

# Куч-көлснэ диилвр күүцхд эв-аргъан негдүлий!

(ВЛКСМ-н балгэсна комсомольск II-ч конференцэс)

Советск ори-штутт делгү коммунист тосхлгэна түрүн девснэ — долан джилэ зура батлдж -авси, алдр Коммунистическ партин XXI хургин тууджмч шидврмүдиг, ордентэ мана республикин комсомольцр болн багъчуд, тең дунд Элст балгэсна района комсомольцр болн багъчуд, коммунизмн үд түрүн чолу тавлгэна нүүрлч серглэнд орлцдж, долан джилн түрүн джилэ зураг ик дилвртэгъар күүцэлгэна төлэ цуг ав-аргъан болн чадмгъагъан агсв. Коммунистическ обществ тосхлгэна гүдэриг үүлдэрт багъчуд зуг түрүн серглэнд йовх учртаг, цегэв уха-серлэри тоолад, балгэсна комсомольцр болн багъчуд, коммунистическ күүц-көлснэ бригадси, коллективси, звеносни ачта нер зүүдин төлэ кегч социалистическ дорлэна джисэг урдин үгдэд угагъар делгрүлв.

Октябрин 31-д болсн, Элст балгэсна комсомольск конференц, эн баатр, зэриг хооран цухрдо, коммунистическ бат уха-серлэ, үүлдврэри олтидэн шин джиргэлин кев-явз үүдэджэх мана багъ үйин, багъ селгэна уралан залч омгта шунлтин илдэж, эднэ гүдэригинь дахд нег медүлв.

Конференц, «Балгэсна комсомольск организацион, 1957—1959 джилмүдт кесн көдмшин тускар» ВЛКСМ-н Элст балгэсна комитетин негдгч селгэтр үр А. Л. Мамоновин кесн тооцана докладар күүндвр кев.

— Мана Халымг республикин парти болн правительствин бдр болгэн халыдаж килмджд болн нилчд, мана багъчуд күүц-көлснэ дилврмүдэр эрүн седжлин кэрү өглэри, ик гидж күүмджд делдэд, бөдэн кемдждн чинрдгв. Балгэсна комсомольск организаци, үмдждтэ күүц-көлсндэн орденсэр болн медальмудар ачлгдси В. Тагитовин, Бося Корнусован, Надя Паськон, Т. Сангаджевин, Т. Антонован, Г. Полоусовин болн нань чиги нүүрлэчрин көдмшин тускар йир

сэанэр медхэна, — гидж үр Мамонов келв.

Ордентэ республикин күүсн дилврмүдт балгэсна комсомольцрин болн багъчудин оршулси күүц-көлснэ агъу ик тавч бэанэ. Балгэсна тосхлгэсн, балгэсна р а й о н а колхозмудар болн совхозмудар — мел энгдэн, багъчудин өс кедж күүцэсн көдмшин нег чиги энгэ уга.

Ур Мамонов, эн давси хойр джилн эргцд балгэсна района адлаху син энгэсэр комсомольцр болн багъчуд оршсн ашд, ямаран дилврмүд күүмдждг тодрха үлгүрмүдэр илдэж, конференц орлцачирт соньсх.

Докладар болсн күүндврт түрүн болдж үг келси, Элстин промкомбинатин комсомольск организацион селгэтр В. Барниев эн комбинатд комсомольск көдмш ямаран кевэр кедгдх йовхин тускар соньсх.

— Би сентябрь сарас нааран шикэн селгэтрин төр дааджанав. Мана организаци дуту-дунд йир олт. Улгүрлхд, комсомольск политсургүлин бүрдэмдждтэгъар өклдг болвч, паранди манд пропагандист уга болсн учрар, эн эркин төр му чимгүр ири тиджэнэ. Эиүна балгэсна комитет бачм донгэн күргэ эвтэ. Бас термет, художественн самодетельностин кружокс бүрдэсн, белдврин көдмш кедг хора уга болд, ик түрүм харгэнавдн, — гидж үр Барниев келв.

Коммунизм тосхдех улс бийсн чиги, коммунистическ обществн айтс чиги, зэрг төгш медүлтэ, сургүльтэ, бөдэн культуурта болжин тускар, Элстин асхар сурдг школин директор үр Домашенко келв. — Элст балгэсна ясврин заводин, электростанцин, РТС-н болн нань чиги организацион комсомольцр эврэнн медрлэн, асхар сурдг швөлд ордж бөдлүлдэжхн. Эн комсомольск организацион сургүлин төрэр ода күрлн йосидан өклдг үүлдэд уга, — гидж тер келв.

— ВЛКСМ-н балгэсна комитет, күүндгд эвтэ цуг төрмүдан ора өклдг, бачм цагин эргцд күүдэхэр, комсо-

мольцринг шамдуна, — гидж «Калмыкстрой» трестин комсомольск организацион селгэтрин дарух В. Мушкин келв.

Алгъдж кесн көдмшис сэн аш үгдхн, дахад күүцэх олна төрин тускар ора зарлхлэ, комсомольцр чиги, багъчуд чиги субботник, воскресникүд цугтар орлцдж чадхн. Ур Мушкин тосхачрин клубинг Халымг драмтеатр ээлснэс көлтэ, культуурин университет завьтэсэн күүмдждтэгъар кедж эс чаджана, электрочерн уга болсар, эн клуб багъчудин культуурин амрагэна сергиджтэ асхн бүрдэж болдж-ахн. Эн тоот дуту-дундсиг, уга келгэнд комсомолнн балгэсна комитет донг болдж-ахн гидж шалгъв.

Селэнэ адлахун олтэ зүсн аныгэр «Буратишкин» совхозин комсомольцр үүлдэж, күүц-көлснэ агъу ик дилврин ул делджд йовхин тускар, совхозин комсомольск организацион селгэтр В. Чимбеов соньсх. — Мана совхоз — балгэсг үсэр тегэачн болдж-ах учрар, нүүрлч саальчир комсомолс В. Борноусова, А. Манжиева болн нань чиги багъчуд бөдэн даалгъвр авад, Октябрин байрин сэн бдр күрлн зура деерэн үкр болгэснас 200—230 литр үс саах болж-ах. Ода эди өгсн үган баттагъар күүдэж йовчагн. Болчн, ним сэн, онгта мана багъчуд, джиргэлин культуурн кемджен ик татугъар бүрдэгджднэ. Бесер йовх мана багъ наста малчврин баах гермүдгн радио уга, газет, журналмүд болж-ах, ик ховрар ирхэнэ, — гидж эн келв.

Босдж үг келлхэсн үүрмүд А. Шиняев («Калмыкстрой» трест), Н. Эренджевов («Страна Советов» колхоз), В. Нуров (Халымг педучлиш), комсомолнн балгэсна комитетин аппарат көдмшнн ик зуудн кабинетдэн бөөдк кецхэнэ, комсомольск организацион зуг телефогъар залгэднэ гидж эврэнн үгдэн голджд шалгъч-ах.

Балгэсна комитет, цегрт мордх комсомольцрла болн багъчудла сургүмджин болн харелтин олна көдмшн төрүд кехн гидж, республикин военкоматин көдлэч майор Кочетов шалгъв. — Эн туск көдмшн агъу ик чинвр зүүдиг, цегрт цегрлсн күн болгэн детэд сэанэр меднэ. Тер төлэд спортин көдмшнн балгэсна бөдлүл эвтэ бэасн. Цегрт морджджк көвүд дунд, умшдг, бичдиг эс медгнэ чиги харгэна. Ним дуту-дундсиг уга кехн төлэ балгэсна комитет ноонда кесн уга.

Конференцд цуг бийн 22 күн босдж үг келв. Конференцин көдмшн ВЛКСМ-н обкомин пропагандин болн агитацион аныгин заведующ үр П. А. Ткаченко, ВЛКСМ-н обкомин негдгч селгэтр үр В. С. Бушин, КПСС-н балгэсна комитетин негдгч селгэтр үр А. А. Трубицын орлцдах.

Конференц, күүндсн төрэрн эрги шидвр авт. Тангъчнн комсомольск конференц делегатур сунгъгвд. Конференц, ВЛКСМ-н балгэсна комитетин бюрон шин хань сунгъгв.

Бүрдэмджин негдгч пленум болсн, ВЛКСМ-н балгэсна комитетин негдгч селгэтр үр Мамонов А. Л., хойрдгч селгэтр үр А. Бурашова сунгъгвд.